

永樂大典卷之一萬九千七百三十八 一屋

錄

沙門灌頂國清百錄二

沙門灌頂國清百錄王屬真觀惠裴二法師表是無湘水王蕭釋門師觀
是湘江左右名望最重十七 靜惠和南更雪寒重願禮懺不通仰疲
于眩悅無理真觀法師願得入山攝慮禪寂今以彼書仰呈裴公入正
裝待小晴通使當就路但觀公非唯義解又誦法華既朗慧燈方澄定水
仰惟間察德伴安遠道邁光猷遐適傾心振錫雲聚超像法於將墜以救
昏蒙顯慧日之餘光用拯澆俗兼孔山陰舍良田以供耕鑿姚實安捨淨
財以給菹菜禪堂行就修繕糧廩不慮闕無諸善因緣亦各隨喜弟子力
薄竭誠供養願勿以資待繼意徒衆為憂憑茲福業庶達願勞藉此熏修
冀荷冥祐弟子陳靜惠和南 王送經像入天台 金銅坐像一軀涅槃
經一部 燭一百挺 大幡二十張 絹一百疋 淨人白石 淨人阿
甘 右牒沈儀同請疏 儀同公菩薩戒弟子吳興沈君理和南竊聞大
乘者大士之所乘也高廣普運直至道場復作四依周旋六道仰惟德厚

深會經文於五誓之初請開法華題一夏內仍就剖釋道俗咸瞻延佇嘉
唱悲利益不違本誓耳謹和南 陳左僕射徐陵書最多門人競將去
追尋止得三紙 陵和南昨預沈儀同法席餐奉甘露無畏之吼衆咸歸
伏然正法炬朗諸未悟自慶餘年得達妙說尋事認展此不申心謹和南
陵和南注仰之心難可數具拔公至蒙三月二十日肯用慰積歲傾心
參冷體中何如願一日康勝山中春夏無餘障惱耳遲復存首弟子二三
年來溫然老至眼耳聾聞心氣昏塞故非復在人兼去歲弟六兄大喪痛
苦成疾由未除愈過今月中人有表故頻歲如此窮慮轉深自念餘生無
復能幾無由禮接係仰何言敬重琮公金還白書不次弟子徐陵和南
陵和南牧生呈聞公家極相隨喜事是拔公口具謹不多誌唯遲拔公延
出數百里水全其命根如此功德等數無盡隨喜無量此不妄謬弟子徐
陵和南 陳徐陵五願上智者禪師 陵和南弟子思出樊籠無由羽化
既善微弱冀願力莊嚴 一願臨終正念成就 二願不更地獄三途
三願即還人中不高不下處託生 四願童真出家如法奉戒 五願不
墮流俗之價憑此誓心以果西蕃今書丹款仰乞證明陵和南陳吏部尚
書毛喜書 累年仰系不易可言承今夏在石像行道欣羨無極又聞歛

於天台營道場當在夏竟耳。學徒遠近歸依者理應轉多安心林野法喜自娛禪講不輟耳。四十二字門今附雖留多時讀竟不厭無因諮訪爲恨轉積南嶽亦時有信照禪師在嶽嶺徒衆不異大師在時善公於山講釋論彼亦是遙望還綱維大法不者歸鍾嶺攝山亦是棲心之處何必遠達方詣道場希勿忘京師遠地之人豈知迴向傾心無時不積未因接顏色東望歎滿敬德信人今返白書不具弟子毛喜和南弟子諸弟及兄等悉蒙平安第三任鄧陽郡第二爲豫章王司馬第四大延卿第五入閭任度支郎大兄由在東宮爲中書舍人仰蒙垂顧以大善知識大同學輒復遠諮喜次書秋色尚熱道體何如禪禮無乃損德弟子老病相仍湯藥無效兼不得自閑轉有困爾仰承移往佛隴永恐不復接顏色悲慨但深仰惟本以曠濟爲業獨守空巖史恐違菩薩普被之旨近與徐丹陽諸善知識共詳量等是一山鍾嶺天台亦何分別必希善加三思不滯於彼我京師獨可言師一二因拔師口具其闡顯教道德弟子毛喜和南喜次書適奉南嶽信山衆平安弟子有答具述甲乙復信來當有音外也今奉寄牋香二片熏陸香二斤擴擲三百子不能得多示表心勿責也弟子毛喜和南喜又書慶講今者仰餐教說訓往緝然道俗嗟味般若照

明豈是拙辭所能撰述乎子毛喜和南天台山脩禪寺智顗禪師放生

碑并序二十二陳通直散騎常侍國子祭酒東海徐孝克撰夫太易無體

品類所以咸亨太一無名至人於是設教仰觀俯法遠取旁求兼三以才

吹萬維物建官台鉉則五嶽作鎮辨方伯牧故四清分流闕伊闕覽八紘

鑒龍門陟九澤播厥習險固之以利民相土卜洛樹之以君長坎之時用

大矣哉我皇帝作聖凝神衆圖御錄無爲無欲道契汾陽垂拱垂衣德隆

至治辰象貞明管灰合序方外無虞海內有主被風雅於華戎威雍熙於

叢代巍巍乎難得而稱者也至如元啓法武崇敷道樹化彰十善弘濟四

生天台脩禪寺智顗禪師蔬練自居苦節行矣奉揚皇風總持像季禪

師俗姓陳氏潁川人也乃有媽之後烏四友驚座逃聽多美六奇列爵世

載其賢祖詮早世父起祖染使持節散騎常侍蓋陽縣開國侯禪師童

真出家聰敏易悟寓居荆岫遊化幽并自北徂南兼行禪智禹穴將探台

山是卜白難路出青髓巖開攀桂結宇蕭然甜止林交五柳既顧旃檀之

氣塔現三層終縣水精之色雲崖天樂不鼓自鳴石室金容無形留影秀

嶺巖峯浪波浩瀚洪濤靈氣冒遠苞空巨壑喬松千雲翳日翔集飛走盡

育珍怪地中藏玉觀曲枝而易辨淵內沉珠見負流而可別神通開士如

意桑門振錫呪泉騰空舞鉢受丹仙容咒急水而時來避官真人乘迴風而迺至厥土宏灑靈識斯在禪師福慧基鑑聲光利益宣猛將軍臨海內史計尚兒子勲之曾世顯方術實樂登仙聞于昔漢剖符作守即此明時請轉法輪講金光明經一部前雲騎將軍臨海內史陳思展及其猶子陳要卿等即土人也戎章衣繡優秩家邦奉屈禪師次講法華經典白牙團扇初開律藏之門玉柄塵尾傍闌經王之偈繫珠始訓親友醉除夢鼓將鳴梵魔疑遣因過雙明誠勸廣辯殃福尚兒仍獎論滄主嚴續祖羊公賀寄群賢凡百君子信誓斯立升誠恪勤白業諧辯嗟如蒙之往累歎鉤僕之來緣各捨滄業及魚梁等合六十三所二緣樹下縣唱善哉五句座上遙聞揮指巨海無際一時清謐衆主無邊同荷安快掌擎世界未學難思手把塵空非名布有桂陽王殿下皇枝之貴應憇閭平情崇孔釋吐懸河之音擊節證明示半月之形深心隨喜五侯三傑曾不間然黃髮青衿咸同踊躍藏諸篆素青編落簡樹以貞碑聲芳靡絕假令山止海運惠施之美猶傳龜吉筮凶鐫勒之功無毀孝克才懃十倍學墮三餘秋菟春蒲久指染截書紳畫地曾何圖寫雖復張池並黑寧擬妙辭峴石徒刊非能墮淚仰熏心之上善羨山水之清音寸志片言乃爲銘曰設位觀像

剖極開潭。蕩蕩爲大蒼蒼。以導青川。淚漬地脉。何源導。顯啓禹。蓋取維軒。
嗟乎坎德。至矣坤元。淳風樂土。君臨御寓。明明孝治。穆穆聖王。道冠當今。
功高前古。慶協嘉瑞。美均攀樹。仁沾動植。澤及遐宇。釋種高族。牙資孰茲。
匪慕分主。歸心染服。辭彼緣慮。言旋幽谷。志託松筠。形隨喬木。七覺善誘。
五禪清肅。無遠弗屆。無思不服。將軍邦宰。肩印銷罪。淑女良夫。民業珍賄。
靡庶十明。寧追百倍。不見所欲。忘懷無待。各捨貨泉。同成佛海。決濟冥蒙。
瞻眺唯空。屏師送雨。列子揚風。鯢鱗以北。極外之東。遠水街日。曾波駕蓮。
地上之北。山下之蒙。涇清渭濁。朝宗會同。天台維野。林泉搔屑。頂列三晨。
峯危九折。瀑布高瀉。神狀殊潔。響若奔雷。皎如素雪。時隆冬而不凝。嚴炎
早而無竭。石橋香遶。展展映徹。仰止青霄。俯臨丹穴。鳥路雲通。人遠徑絕。
渤澥難邊。含情泝沿。漱嗽炭炭。萬萬千千。鼓鯉掉尾。相望自然。薜蘿無挂。
任鈞不牽。歌舫靜戔。響俎停殮。行滿業大。弘生爲最。斷樹誠規。翳樊斯誠。
噲叅靈鶴。歌康神蕊。隨感明珠。于期軒蓋。嘉會信微。潛騰是賴。逝矣虞淵。
波瀾易遭。高岸深谷。蓬海桑田。石餘幾拂。芥盡何年。大地將隕。須彌洞然。
風傾金殿。火及初禪。猗歟水性。報轉常圓。隋高祖大皇帝教。二十二皇
帝教。開光宅寺智顗禪師。朕於佛教。敬敦信情。重往者周文之時。毀壞佛法。

發心立願必許護持及受命於天仍即興復仰憑神力法輪重轉十方衆
生俱獲利蓋比以有陳雷亂殘暴東南百姓勞役不勝其苦故命將出師
爲民除害吳越之地今得廓清道俗又安深稱朕意朕尊崇正法救濟蒼
生欲令福田永存津梁無極師既已離世綱修已化人必希獎進僧伍固
守禁戒使見者欽服聞即生善方副大道之心是爲出家之業若身從道
服心染俗塵非直舍土之類無所歸依抑思妙法之門更來擗澗宜相勸
勵以同朕心春日漸暄道體如宜也 開皇十年正月十六日內史令安
平公臣李德林宣內史侍郎武安子臣李元孫奉內史舍人裴矩行 秦
孝王書二十三 冬暮寒切道體何如法務勤年有以勞念安州方等寺
奉爲皇帝修立屈法師向彼行道甚不可言已今所司發遣供給願以熏
修爲懷不憚利涉也 道深敬德遣白不具弟子楊俊和南十二月十七日
秦孝王次書二十三 頃仰每深甚熱禪師道體何如修習不乃勞心也
夫由有展金結良深願珍德遣白不具弟子楊俊和南五月十九日奉施
沉香等如別至願檢領 沉香十斤 戔香十斤 熏陸少許 方牒薄
申供養 晉王初修書二十四 金風御鄧王露調時道體休和安樂行
不法師抗志名山棲心慧定法門靜悅戒行熏修藉甚徽猷久承音德欽

風已積味道爲勞冀託舟航用披雲霧故遣使人往彼延廣希能輕舉以
沃盧金佇望來儀不乖眷意也弟子楊廣和南王治禪衆寺書二十五
深具謙挹之旨但高人遊處觸地是安然法宇僧坊須盡嚴正經云四
事供養一不可虧已勒有司修葺願忘懷受施也弟子楊廣和南王受
菩薩戒疏三十六使持節上柱國太尉公揚州總管諸軍事揚州刺史
晉王弟子楊廣稽首奉請十方三世諸佛本師釋迦如來當降此土補處
彌勒一切尊經無量法寶初心以上全剛以降諸尊大權摩訶薩埵辟支
緣覺獨脫明悟二十七賢聖地心道眼乃至三有最頂十八梵王六欲天
子帝釋天主四天王天仙龍神飛騰隱顯任持世界作大利益守塔衛
法防身護命護淨戒無量善神威願一念之頃永佛神力俱會道場證明弟
子誓願攝受弟子功德竊以識暗萌興即如禾性無明俯墜本有本彰理
數斯歸物極則反欲顯當果必積于因是調御世雄備歷生死草木鳥薈
不可勝計恒沙集起固難思議深染塵勞方能厭離法王啓運本化菩薩
譬如日出先照高山隨追報宜權爲方便如彼衆流咸宗大海弟子基承
積善生在皇家庭訓早趨胎教夙漸福理攸鍾妙撰須悟壯崎峴於小還
希優遊於大乘咲止息於化城誓舟航於彼岸但聞士萬行戒善爲先言

薩十受專持最上論造宮室必用基趾徒架虛空終不成立佛捨庸抑
人間之孔老釋門咸資銘鑄不有軌儀孰將安仰誠復釋迦能仁本為和
尚大殊師利冥作閭閻而必藉人師顯傳聖授自近之遠感而遂通薩陀
波喻登龍於無竭善財童子忘身於法界經有明文敢為臆說深信佛語
幸遵明導天台智顗禪師佛法龍象真出家戒珠因淨平將耳順定水
淵澄因靜發慧安無礙辯先物後己謙挹威風名稱普聞眾所知識弟子
所以虔誠遙注命職遠延每畏緣差值諸留難亦既至此心路豁然及披
雲霧即銷煩惱謹以今開皇十一年十一月二十三日總管金城設十僧
蔬飯歌屈禪師授菩薩戒戒名為孝亦名制止方便智度歸親奉極以此
勝福奉資至尊皇后作大莊嚴同如來慈普諸佛愛等視四生猶如一子
弟子即日種羅眼業生生世世還生佛家如日月燈明之八王子如大通
智勝十六沙彌眷屬因緣法成等侶俱出有流到無為地平均六度恬和
四等衆生無盡度脫不窮結僧那於始心終大悲以赴難博遠如法界寬
竟若虛空具足成就皆滿願海揚廣和南王觀戒師衣物等。聖種納
袈裟一緣黃紋舍勒一腰綿三十屯。鬱泥南布袈裟一緣黃緣
布襪一具。綃四十足。鬱泥緣布偏但一領。黃綃卧褥一領。布三

十裨 鬱泥絲布坐褥一具 烏紗蚊帳一張 紙二百張 鬱泥絲布
方裙一條 紫緞靴一量 錢五十貫 鬱泥雲龍綾被一緣 龍鬚席
一領 蠟燭十挺 鬱泥羅頭帽一領 須摘壇一領 銅硯一面 高
麗青坐布一具 鳥皮履一量 墨二挺 黃絲布背襦一領 南榴枕
一枚 和香一合 鐵錫杖一柄 見莊 象牙管一管 塵尾一柄 烏
油鐵鉢一口 并茶 斑竹筆二管 銅匙筋一具 犀角如意一柄 并匣
白檀曲几一枚 銅重盤三口 鑰石香爐奩一具 山水繩牀一張
銅搔勞一口 銅香火匙筋一具 白檀支頰一枚 銅澡灌一口
楠榴夾膝一枚 挑竹繩拂一柄 鐵剪刀一口 蒲移文木案并椅
犀裝瓜刀一口 鐵剃刀一口 黃絲布隱囊一枚 紫檀中箱一具
鐵鑄子一具 白瓦唾壺一口 并龍巾 心筆拈一枚 銅燭擎一具
鑰石裝杆心經格一具 犀裝書刀一口 白團扇一柄 師嚴教尊 右
四字八 喜捨供養 右四字龍 習惱餘義 右四字懸針 緣覺侵斷 右
四字垂露 咸登常樂 右四字龍白 豈如菩薩 右四字倒座 能施所
受 右四字魚 聲聞是證 右四字科斗 咸定慧滿 右四字多 苦集滅
道 右四字大篆 敕皮屏風一具 大篆龍魚科斗飛白垂露倒座等書淨

人善心年十一 右牒開皇十一年十一月二十三日王秉威名總持菩薩書疏二十七即用法律弟子總持和南 柳願言還奉旨垂示六種捨施及留受用弟子一日恭觀猶以陋薄不稱宿心來旨既以轉施功德彌爲增上悲歡福田深是平等固非 所能周見事事仰依其所留者既以不多 留受用旨遣報諮謹和南 王 書二十八 弟子總持和南發長戒辰在俗成慶伏惟吐納禪慧與時休和弟子稟受以來粗堪靜攝謹遣衆承謹和南 王請留書二十九 弟子總持和南爰逮來誨須往荆楚辭致首尾仰具高懷但祇稟淨戒事成南爾宿昔凝滯匪遑諮決聞衆和尚經稱勝田種子雖我嘉苗未植方用心形永伸供養庶慙善誘日獲塵勞凡厥共緣依止有地斯亦舟航兼運利益弘多如來化導何必止還天竺菩薩應變本無定方深願坦然以虛受物遲延展禮面當諮避謹和南聞府柳願言宣口教云智者爲當長去更有還期弟子意不欲相去遠遑脫能旋迴不敢留侍鎮下近山隨樂住止又欲奉留侍二月十八日同度延陵鎮仍共至棲霞履行於彼送別 王重留書三十 弟子總持和南達旨須取明二日垂別修履未周使深傾軼弟子前昨晝夜熱更惟付智者至止以來未經一夏兼荆潭路遠安居將促江波浩蕩行程難期脫

去此處又不至前所半途結夏投止亦難又按經律一夏供養安居僧福
田無量況乎師道及大眾力凡大淺薄本資勝緣菩薩大慈須受應供養
春行謝首夏向臻九旬忽達四事虛舟修心與理於情匪安今欲仰留度
夏發達冀不半途飄露脫疑邑下喧湫須休林壑安居攝山亦當為使若
法歲將滿預勤蔣州裝船南出石頭西浮摘易既來與郭因得順風去留
之宜事理咸會此間彼處仰聽擇一意不可盡辭豈多宣謹和南三月一
日 王許行書 弟子總持和南復達今首欲遂前心功德因緣豈敢違
忤謹遵宿願即命所司發遣發日離展仰聽許擇庶解夏非違秋水乘流
賜答來期必當無棄用茲歡喜以顯悲敬謹和南 蔣州僧論毀寺書
奉誠寺慧文龍光寺法今光宅寺智勝寺稽首和南伏見使人賁符壞諸
空寺若如即日所觀全之與破及有僧無僧毀除不少伏惟大王菩薩植
信崇明興建三尊慈仁化物豈不弘護佛法留心塔寺但此處僧徒忽見
毀廢咸懷憂忌大王雖照同朝日而聖道高遠衆情傾仰無因簡微伏惟
智者禪師道俗歸止有所言勸悉善為先文等不撥庸微馳來奉告必願
運大慈悲垂為申達冀未壞之寺庶得安全敢藉護持報此祈仰謹和南
開皇十二年二月八日 述毀寺書 今復蔣州奉誠寺慧文律師書款

呈如別仰惟正持三寶行菩薩慈近半寇賊交橫寺塔燒燼仰來大力建
立將危遂使佛法安全道俗蒙賴收拾經像處處流通誦德盈衢恩滿
路昔居我在陳尚得存心況息武興文方應光顯至如慧文所述撈剔如
藍必由在所官人多生僻解致令外僧惶惑憂懼不寧貧道常念無堪謬
當知識若論愛惜形命豈敢言忤公門持是佛法相開亦由香火事大意
之所為唯憂冥道寧忘即日之身必存未來之義若不迷愚心則虛當四
事復非三稔香火是何人乎是何人乎在所官司唯怖事辦宜慮因果將
來善惡耶當願聖德尊嚴履萬安之路福祿隆重高而不危修菩薩行殊
梁佛法瞻望三寶淨羣四海風芳萬代若謂寺多州少國或不聽方便善
權仰由安立昔須營造治葺城隍江南竹木之鄉採伐彌易仰希弘祖提
拔將沉故寺若存新福更長龔家於允幽顯沾恩法事仰于追深愧踏沙
門某敬白三月十一日 王答弟子總持和南爰述高肯騰將州僧所及
竊以僧居望刹食惟分衛所立精舍本依聚落近年奉詔傳征市民伐罪
江東混一海內人寧塔安其堵市不易業斯亦智者備所明見而忘數頑
民不慚懷土有苗恃險敢忘螳螂橫使寺塔焚燒如比屋流散鐘梵寂寥
難犬不聞廢寺同於火宅持鉢略成空逆僧衆無依實可傷歎彼地福盡

方成丘墟。所餘堂塔本不壞。毀其有現僧亦許房住。唯虛廊旂宇會當倒壓。所以移來還充寺館。其外椽版權借募城若空寺。步廊有完全者亦貸爲府斛。須一二年間民力展息。即於上江結筏以新。則該本勒所司具條孔目。無慮零漏。恐速僧未能曲見。頓用仰誥。必願言提。冥諸其掌。張延滿禮煉側良深謹和南。述匡山寺書。江州匡山。來林寺者。東晉廬門慧遠法師之所創也。遠是彌天釋道安之高足。安是大和尚佛圖澄之弟子。三德相承。如日月星真。佛法梁棟皆不可思議人也。而遠內闢半滿外善三玄德布遐方。聲高霄漢。初詣山足。依止一林。共耶舍禪師頭陀。其下若說若默。脩西方觀。未於林右建立伽藍。因以爲名。來林之寺。遠自創般若佛影二堂。謝靈運穿鑿流池。三所梁孝元構造重閣。莊嚴寺宇。即月宛然。峯頂寺者是齊慧景禪師感山人延請。因棲其峯。次梁慧歸在後。登躡方建伽藍。峯有水泉。忽然枯涸。歸燒香呪願。清流盈滿。天降甘露。於泥洹日。是以先德名蹤垂芳。不闕松霞清曠。觸處蕭條。公私往還。莫不歸向。自大化江左。貧道因至。彼山慈泊。來林時遊峯頂。以歲爲月。美觀忘勞。然山下伽藍偏近。驛道行人歸去。頗成混雜。今奉請爲兩寺。擅越庶籍。影響衆得安心禮誦。虔誠用酌洪澤。并乞勒彼所由。永禁公私停泊沙門某敬白。

王答弟子總持和南岳誨述江州潯陽廬山東林寺峯頂寺須令弟子
並爲檀越主山嶺盤秀下屬江湖香爐層峯上虧雲日仙人之所戾止隱
倫於焉不歸況乎慧遠法師勝依結構謝容梁元帝池重閣景師息心神
應峯頂智者慧歷鍾武前賢師嚴道尊實深隨喜所恨寡薄無益將來庶
籍熏修方證常樂兼陳二寺偏近驛道行人往來頗成混雜須勒彼州今
去公私使命不得停止即付所司依事頒下謹和南三月一日 王書與
匡山三寺極暄法師道體何如衆內咸宜也鴈門達法師四依菩薩翻飛
翔野棲息南山息思以復名德相繼智者見今爲寺檀越願修寡薄非敢
克當獎導既引良深隨喜敬德指此承問 楊廣和南三月二十一日與
禪閣寺書春寺將謝道體何如僧衆清善匡山佛寺興自慧遠法師法師
師於彌天道安安師於佛圓澄妙德相承莫之爲最江東龍巖悉本鴈門
鴈門上人創迹廬阜自梁及晉止有東林陳晚洸滿別生禪閣僧徒好異
宣稱至和智者爰居還須合一想均願海更無異味行人將送過指此相
聞楊廣和南三月二十一日 與峯頂寺書 暮春暄和寺衆清勝禪悅
法喜致足恬懷鑪峯香氣煙霞共遠智者經託勝地爲在總內今爲檀越
誠深隨喜更追厚愧善當敬勗楊廣和南三月二十一日 王謝法門書

弟子總持和南奉旨今日齋竟即事登舟聯阻方遙攝以傾敝垂示法
相雖文音淵蹟源本難尋而教門方便開悟易益恭承善誘永以受持庶
籍津梁得無退轉自服膺至道每法弘護將事遵途復降良藥沐浴慈被
伏用悽荷謹和南王遣使往匡山參書弟子總持和南親信傳仲說
還逮去月朔告用尉延結熱猶熾願道體休和仰承經過攝山鍾岫寺塔
安善徒衆和肅仍留二十僧權停問善進至匡嶽結夏安居東林禪閣還
爲一寺峯頂精舍復皆隨喜敬緣勸發獲此熏修用穩身田方流法雨金
光明福喜荷彌深弟子去月十四日始度朱方風土異宜流金在節攝衛
多不調適每有者然二十九日來石頭稍已平復自江浦達官馳情彭蠡
以日爲歲無時暫忘願未解夏前預整裝束法歲若滿即事西浮彼間酬
願務今在促非但弟子蔽識希護周爰深恐禪慧學徒咸思鑽仰宣尼在
陳致歎自衛使歸屈道紆情事非爲己今遣主簿王灌詣往祇承并貢別
牒用忘存著敢略繫辭謹和南七月一日去衣六件鹽一百斛米
一百斛右件其鹽米悉出江州正倉王灌貴合魚聞送王重書弟子
總持和南東林山寺使至逮八月八日誨用慰馳結仰承已往衡山至當
稍久法緣若竟願即沿流冀在歲陰必期展覲弟子渡江還去月初移新

住多有造次未善安立來肯勗以法事實用慈懷始於所居外援建立慧
日道場安置照禪師以下江陵論法師亦已遠至於內援建立法雲道場
安置潭州覺禪師已下即建深善輒以諮知仰承相次爲營功德深荷扶
助難用遠陳而發此至江州遂下請僧料云何能得相資前施鹽米其米
廻入東林照以上路盈長之外乃可別營功德今山僧迂路行用仰酬尋
別遣使迎延願預整歸計江山遼復豈盡成曲謹和南十月十日 王遣
使潭州迎書 弟子總持和南歲暮云暮寒氣殊重禪院經行願常安樂
弟子頃來每多勞疾但睽覲稍久唯用傾結仰度所營功德已當究竟今
遣左親信伏達奉迎願便事沿流延遲諮具謹和南十一月十五日 王
遣使荊州迎書 弟子總持和南暄和道體勝愈仰撥衡嶽法師久當圓
滿江陵功德復應成就隨喜之至難用勝言弟子今入朝觀行次陝州馳
仰之誠與時而積故遣使人迎候希便進道未月下旬唯遲祇接路首急
促豈復委宣謹和南二月二十二日 王於長安遣書 弟子總持和南
遣使馳誠載勞兼事入朝彌增延屬武關雖阻近於吳是以暫停陝
州遣使承接行人返命具奉親縷非惟年尊疾動久已結夏安居理事相
推固須停止弟子還鎮非久使願沿流仰會江都庶應旦夕將聖德果亦